

KERATAN AKHBAR

TARIKH : 12 JANUARI 2023
AKHBAR : SINAR HARIAN
MUKA SURAT : 24

IR4.0 dijangka pertingkat potensi PKS



PKS boleh meningkatkan produktiviti mereka dan kekal kompetitif dengan melabur dalam penggunaan teknologi terkini.

IR4.0 dijangka pertingkat potensi PKS

Kuala Lumpur: Perusahaan kecil dan sederhana (PKS) perlu digalakkan untuk mengguna pakai Revolusi Perindustrian Keempat (IR4.0 atau 4IR) untuk memaksimumkan potensi mereka dan membuat sumbangan yang lebih besar kepada nilai eksport negara dan seterusnya menjadi enjin pertumbuhan ekonomi, kata pengarah eksekutif advokasi dasar pelaburan (perkilangan) Lembaga Pembangunan Pelaburan

Malaysia (Mida) Masni Muhammad. "Dari segi kos operasi dan buruh, kita mempunyai peluang besar untuk memanfaatkan IR4.0 dan teknologi terkini untuk kekal berdaya saing dengan rakan serantau kita seperti Vietnam, Indonesia dan Thailand. "Dengan melabur dalam jentera canggih dan mengguna pakai teknologi, PKS boleh meningkatkan produktiviti mereka dan kekal kompetitif dalam pasaran

global. Marilkita manfaatkan peluang luar biasa ini untuk mencapai pertumbuhan dan meraih kejayaan," katanya dalam satu kenyataan. Bagi memastikan Malaysia mendapat manfaat optimum daripada IR4.0, Masni berkata, kerajaan sudah melancarkan Dasar 4IR Negara pada Julai 2021 untuk menyediakan panduan dan menggalakkan kesepaduan dalam mencapai agenda 4IR.

Dasar 4IR melengkapkan Rangka Tindakan Ekonomi Digital Malaysia (MyDIGITAL) dalam memacu agenda pembangunan ekonomi digital. Sebagai sebahagian daripada strategi IR4.0 yang diselenggarakan, Kementerian Perdagangan Antarabangsa dan Industri melantik Mida sebagai agensi pelaksana bagi kemudahan sokongan kewangan yang dikenali sebagai Dana Intervensi Industri4WRD.